

— **Brjef landshöfðingja til biskups um meðmæli sóknarmanna með umsækjanda brauðs.** — Hjer með sendi jeg yður, herra biskup, til þóknanlegrar ráðstafanar veitingarbrjef, er jeg samkvæmt tillögum yðar hefi gefið út handa sira Guðjóni Hálfðánarsyni fyrir Saurbæjarprestakalli í Eyjafirði, og vil jeg taka fram það, er nú segir, út af því, sem þjer í brjefi frá 7. þ. m. segið um að fulltrúar Saurbæjar prestakalls, er til þess voru kosnir á prestakallafundi, hafi komið til prófastsins í Eyjafjarðarsýslu og árangurslaust beðið hann að sækja um brauðið, og þar eptir farið þess á leit, að þeim mætti veitast sú tilláttssemi, að fá sjer senda skrá yfir umsækjendur, svo að þeir fengju færi á að mæla fram með einum þeirra, með því að þeim sje mjög annt um, að prestur veljist vel til sín. 22
8. febr.

Tillögur yðar, herra biskup, um að skipa prest í nefnt prestakall meðtók jeg þegar 9. f. m., og frestaði jeg þá veitingunni til komu norðurlandspóstisins, þar sem að eins einn umsækjandi hafði gefið sig fram.. Með nefndu brjefi yðar kom nú eina bónarbrjefið um þetta brauð, er nefndur póstur hafði flutt, og var það frá sira Stefáni Jónssyni á Bergsstöðum, og get jeg ekki fundið nægilega ástæðu til að fresta veitingunni lengur bæði af ástæðum þeim, er þjer, herra biskup, takið fram, og af því að eins 2 hafa sent bónarbrjef um brauðið, og getur ekki verið vafi um, hvorn heldur eigi að kjósa af þeim, og loksins af því, að það er áriðandi fyrir prestakall það, er losnar við veitingu Saurbæjarbrauðs, að draga hana ekki um skör fram.

— **Brjef landshöfðingja til stíptisyfirvaldanna um lán handa prestakalli.** — Samkvæmt tillögum stíptisyfirvaldanna í brjefi frá 7. þ. m. vil jeg hjer með veita Gilsbakka prestakalli 1500 kr. lán úr viðlagasjóði til að byggja timburkirkju á prestssetrinu og með því skilyrði, að lánið ávaxtist og endurborgist með 6% árlega eða 90 kr. í 28 ár. 23
9. febr.

Þetta er hjer með tjáð til þóknanlegrar leiðbeiningar og birtingar fyrir hlutaðeiganda.

— **Brjef landshöfðingja til stíptisyfirvaldanna um styrk til alpyðu- og barnaskóla.** — Með brjefi þessu sendi jeg yður bónarskjal með 3 fylgiskjölum frá prestinum á Þingvöllum, þar sem hann fyrir hönd hlutaðeigandi skólanefndar sækir um, að skóla þeim, er hann getur um og nefnist «unglingaskóli Þingvalla- og Grafnings-hreppa», verði styrkur veittur af landssjóði samkvæmt fjárlaganna 13. gr., B. V. b. eða c., eða að nokkrum hluta eptir hvorum þessum stafið um sig. Um mál þetta skora jeg á stíptisyfirvöldin að tjá mjer þóknanlegar tillögur sínar og senda mjer skjölin svo aptur. 24
11. febr.

Þetta er nú í fyrsta sinni, sem spurning er vakin um það, hvert einhvern skóla sje rjettara að heimfæra undir stafið b. eða c. í fjárl. 13. gr., V.; og af því að það mun framvegis fyrir koma, að úr hinni sömu spurningu þurfi að skera, er álíka fjárbeiðslur koma fram, mundi það vera óskilegt að fast ákveðið yrði, hver skilyrði sett skuli fyrir veitingu styrks eptir nefndum stafiðum fjárlaganna. Í þessu efni vil jeg vísa til þingsályktunar þeirrar, er neðri deild alþingis samþykkti, og nefndarálits þess, er getur um í þingsályktuninni, og er þingsályktunin prentuð í fyrra parti alþingistíðindanna á 318. bls., en nefndarálitið á 223. bls. En meðal atriða þeirra, sem þar eru fram tekin, vil jeg benda á það í fyrsta lagi, að skólar þeir, er þar um ræðir, eru ein-

8. dag marzm. 1882.